

Sarah-Quita ta domina competencia di Slalom”



ORANJESTAD/ISTANBUL – Na e costa occidental den e provincia Izmir (antes Smyrna) den e distrito Cesme e ciudad Alaçati ta localisa cu ta específicamente destina pa practica e deporte di windsurf.

Cesme ta e region na unda e Jet Set di Istanbul y Izmir ta pasa vakantie. Aki ta unda desde aña 2009 Sarah-Quita ta competi den e disciplina di slalom. E aña aki ta di 7 biaha e ta competi eyan y ta titula campeón pa di tres aña sigui di e evento aki. E evento aki ta e di dos competencia di Slalom di PWA pa 2014 cu ta conta cu un total di 4 cu posibilidad di salta un pa por conquista e titulo di campeón mundial. E prome evento na Turkmenistan no a conta cu presencia

di Sarah-Quita pa motibo di tabata tin otro compromiso. Durante 6 dia, desde 26 – 31 di augustus, Sarah-Quita ta midi forza cu 22 otro competido femenino di rond mundo prome cu yega den e final di cada eliminacion mester clasifica prome despues pasa pa semi final y siguiemiente pe final.

Domina desde prome eliminacion

Desde e prome eliminacion Sarah-Quita ta domina e caredanan den division femenino. Sarah-Quita ta pusta sin misericordia y ta laga su oponentenan miya tras di dje cada biaha cu excepcion di eliminacion 5 unda e ta cambia su ekipo pa motibo di biento fuerte cu ta resulta di ta menos fuerte durante di e careda y e ta crusa e final den tercer luga. Den e di



ocho eliminacion e ta completamente of di su tempo y ta yega laat na e salida hasta cu e ta den di nueve luga na e prome boei sin embargo e ta recupera batayando fuerte pa termina na di cinco luga. Danki na e pifia aki di Sarah-Quita e competido Turco Lena Erdil por a celebra su prome Victoria eliminatorio desde Aruba na 2011 pa deleita di e publico Turco. Un total di 9 eliminacion a keda completa di cual 7 Sarah-Quita a logra di termina na prome luga.

Establece record di velocidad

Fuera di titula campeón di slalom Sarah-Quita ta esta-

blece e record di velocidad cu 61km/h birando asina e regatista femenino mas rapido di e asina yama “speed challenge”. Ya pa basta tempo no tabata tin duda di Sarah-Quita su velocidad pero cu ayudo di e sistema di GPS esaki a keda registra oficialmente durante e evento aki. Remarcabel tabata e diferencia den habilidad entre Sarah-Quita y e demas regatistanan femenino. E bentaha di Sarah-Quita ta cu e ta calcula su salida cu precision y ta acelera rapido manehando su tabla y bela cu habilidad den cada lorada.

Ceremonia di premiacion
Durante e ceremonia di

premiacion Sarah-Quita ta yama Jordy Vonk un regatista Hulandes di apenas 21 aña inmensamente danki di a sponsor e cu belanan extra di su mes, y ta provee Sarah-Quita e oportunidad di competi. E siguiente eventonan di Slalom ta na Francia y New Caledonia y si e por keda cu e belanan e tin planea pa participa eyan. Den e caso ey, posiblemente eliminando e competencia cu el a falta na Turkmenistan e por purba su suerte pa logra titula campeón mundial. Pa aña 2014 e no tin sponsor di bela cu ta haci e asunto complica pa competi den tur disciplina manera el a propone pa su mes. □